



**ՆՈՐԻՆ ՍՈՒՐԲ ՕԾՈՒԹՅՈՒՆ ՎԵՂԱՓԱՌ ՀԱՅՐԱՊԵՏԻ
ՊԱՇՏՈՆԱԿԱՆ ԱՅՑԵԼՈՒԹՅՈՒՆԸ ՀԱՅԿԱԿԱՆ ՍՍՌ
ԳԵՐԱԳՈՒՅՆ ՍՈՎԵՏԻ ՆԱԽԱԳԱՀՈՒԹՅԱՆ ՆԱԽԱԳԱՀ
Պ. ՇՄԱՎՈՆ ԱՌՈՒՇԱՆՅԱՆԻՆ**

Մարտի 5-ին, երեքշաբթի օր, առավոտյան ժամը 12-ին, Նորին Ս. Օծու-
թյուն Վեհափառ Հայրապետը Երևանում, Հայկական ՍՍՌ Գերագույն Սովետի
Նախագահության շենքում այցելություն տվեց Հայկական ՍՍՌ Գերագույն Սո-
վետի Նախագահության Նախագահ պ. Շմավոն Առուշանյանին:

Ընդունելությանը ներկա էին Հայկական ՍՍՌ Գերագույն Սովետի Նախա-
գահ պ. Սիմակ Սահակյանը և Հայկական ՍՍՌ Մինիստրների Սովետին կից
Հայ Եկեղեցու գործերի խորհրդի նախագահ պ. Հրաչյա Գրիգորյանը:

Նորին Ս. Օծուրթյուն Վեհափառ Հայրապետը արժանացավ ջերմ ընդունե-
լության:

Նորին Ս. Օծուրթյուն Վեհափառ Հայրապետը Իր սրտագին ողջույնի խոսք
ուղղեց Հայկական ՍՍՌ Գերագույն Սովետի Նախագահության Նախագահ պ. Շ.
Առուշանյանին, միաժամանակ բարգմանը հանդիսանալով Սփյուռքի հայու-
թյան հայրենասիրական ջերմ զգացմունքների և երախտագիտության:

Ապա Վեհափառ Հայրապետը սիրալիր զրույց ունեցավ պ. Նախագահի
հետ Մայր Աթոռում կատարվելիք շինարարական աշխատանքների կազմա-
կերպման և Եկեղեցու գործունեության հետ կապված այլ հարցերի շուրջը:

Նորին Ս. Օծուրթյուն Վեհափառ Հայրապետը, խորապես զգացված այս ջերմ
ընդունելությունից, հրաժեշտ առավ Հայկական ՍՍՌ Գերագույն Սովետի Նա-
խագահության Նախագահ պ. Շմավոն Առուշանյանից, օրհնելով հայ ժողովուր-
դին և Հայրենի հաւազատ կառավարությանը:

